

VENDIM
Nr. 725, datë 8.12.2017

PËR DISA SHTESA DHE NDRYSHIME NË VENDIMIN NR. 728, DATË 20.10.2016, TË
KËSHILLIT TË MINISTRAVE,
“PËR PJESËMARRJEN E FORCAVE
TË ARMATOSURA TË REPUBLIKËS
SË SHQIPËRISË NË OPERACIONIN
E NATO-S “AEGEAN SEA””,
TË NDRYSHUAR

Në mbështetje të nenit 100 të Kushtetutës, të neneve 6, pika 5, e 7, të ligjit nr. 9363, datë 24.3.2005, “Për dërgimin e Forcave të Armatosura të Republikës së Shqipërisë jashtë vendit, si dhe për mënyrën e procedurat e vendosjes dhe kalimit të forcave ushtarake të huaja në territorin e Republikës së Shqipërisë”, të ndryshuar, dhe të shkronjës “ç”, të nenit 11, të ligjit nr. 64/2014, “Për pushtetet dhe autoritetet e drejtimit e të komandimit të Forcave të Armatosura të Republikës së Shqipërisë”, të ndryshuar, me propozimin e ministrit të Mbrojtjes, Këshilli i Ministrave

VENDOSI:

1. Në vendimin nr. 728, datë 20.10.2016, të Këshillit të Ministrave, të ndryshuar, bëhen këto shtesa dhe ndryshime:

a) Në pikën 2, pas fjalëve “... në detin Egje ...” shtohen “... dhe për personelin në anijen flamurtare, në bazë të kërkesave operationale të saj, edhe në detin Mesdhe dhe Detin e Zi ...”.

b) Pika 3 ndryshohet, si më poshtë vijon:

“3. Kohëzgjatja e pjesëmarrjes në këtë operacion e anijes së klasit “Iliria” dhe personelit të Forcave të Armatosura të Republikës së Shqipërisë është, si më poshtë vijon:

a) Për anijen e klasit “Iliria”, deri më 30 nëntor 2018, me sistem rotacioni. Periudha e rotacionit të anijes është çdo 6 (gjashtë) muaj;

b) Për 21 (njëzet e një) ushtarakë, deri më 30 nëntor 2018, me sistem rotacioni. Periudha e rotacionit është çdo 3 (tre) muaj, periudhë së cilës i shtohen edhe ditët e qëndrimit për ndërrimin me kontingjentin e radhës;

c) Për ushtarakun, oficer shtabi, në Grupin Detar të Përhershëm të NATO-s, në anijen flamurtare, deri më 31 dhjetor 2018, me sistem rotacioni. Periudha e rotacionit është çdo 3 (tre) muaj, periudhë së cilës i shtohen edhe ditët e qëndrimit për ndërrimin me përfaqësuesin e radhës.”.

c) Pika 4 ndryshohet, si më poshtë vijon:

“4. Rajoni i venddislokimit të anijes së klasit “Iliria” dhe i personelit të Forcave të Armatosura të Republikës së Shqipërisë do të jetë, si më poshtë vijon:

a) Për anijen e klasit “Iliria” dhe 21 (njëzet e një) ushtarakë, në detin Egje;

b) Për ushtarakun, oficer shtabi, në Grupin Detar të Përhershëm të NATO-s, në anijen flamurtare, në detin Egje dhe në bazë të kërkesave operationale të anijes flamurtare, në detin Mesdhe dhe Detin e Zi.”.

ç) Në shkronjën “e”, të pikës 5, pas fjalës “... telefon ...” shtohen “... instalim të radiove të komunikimit ...”.

2. Efektet financiare, që rrjedhin nga zbatimi i këtij vendimi, të përballohen nga fondet e miratuara në buxhetin e Ministrisë së Mbrojtjes.

3. Ngarkohet ministri i Mbrojtjes për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama